



宋·普濟撰

五  
燈  
會  
元

新文豐出版公司印行

五燈會元 / (宋)普濟撰. -- 臺一版. -- 臺

北市：新文豐，民78

面；公分

ISBN 957-17-0022-3 (精裝)

1. 禪宗—傳記

226.69

84012060

所  
有



版  
權

中華民國七十八年十月台一版  
中華民國八十四年十一月台一版二刷

五燈會元

精裝一册基價一五·三元正

編者 宋·普濟  
發行人 高本  
發行所 新文豐出版股份有限公司  
印刷所 新文豐出版股份有限公司

公司：臺北市雙園街九十六號  
電話：三〇六〇七五七·三〇八八六二四  
門市部：台北市羅斯福路一段二十號八樓  
電話：三二一三二九三·三二一三二九四  
台北郵政三六四三信箱  
登記證：局版臺業字第〇六四九號  
郵政劃撥：〇一〇〇四四二一六號  
傳真：三五六八〇七六·三〇二三八七〇

本書若有破損或缺頁，煩請寄回更換，謝謝！

ISBN 957-17-0022-3 22610401 (精)

世尊拈花如虫禦

木迦葉術笑偶爾

咸文累他及代兒

孫一。聯芳續焰

大居士就文挑剔

亘千古光以燦爛

淳祐壬子冬住山苦行

書于直指堂



予聞孔聖曰參乎吾道一以貫之曾子

曰唯子出門人問曰夫子之道忠恕而

已矣又聞釋迦在靈山拈花迦葉微笑

世尊曰吾有正法眼藏涅槃妙心付囑

摩訶大迦葉二者用處不同義則一也

由此觀之一貫之理以心傳心千萬載間

絲了不絕其道學宗派蓋自曾子一唯中

乘佛法昭明歷幾千劫闡揚宗風源

相繼其教外別傳蓋自迦葉微笑中始

烏可歧而二哉自景德中有傳燈錄行

于世繼而有廣燈聯燈續燈普燈燈

相續派別枝分同歸一揆是知燈者破

愚暗以明斯道今慧明首座萃五燈為

一集名曰五燈會元便於觀覽沈居士

捐財鳩工鋟梓於靈隱山寶大川老  
廬都寺贊成之帙成保庵携一部來再  
三懇予為序予曰一大藏教如拭不淨  
紙由此知佛法不在文字上不向言語  
中若是大丈夫漢見得明悟得徹如俊  
鷄搗禽提得便去若迴頭側腦稍涉遲  
疑則空過新羅矣至如尋章摘句徒增  
口鼓打纏葛藤料掉了無交涉又豈可與  
語此集哉雖然其初地二乘緒閱中或恐  
一言一句築著磕著則與歷代祖師天下  
老和尚把手共行使斯集大播無窮矣昔  
寶祐改元清明日通庵王楠謹序

序

二

安吉州武康縣崇仁鄉禹山里正信弟  
子沈淨明幸生  
中國忝預人倫涉世多艱幼失恃怙  
本將知命遂闕

華嚴大經傳燈諸錄深信此道不從  
外得切見禪宗語要具在五燈卷帙  
浩繁頗難兼閱謹就

景德靈隱禪寺命諸禪人集成一書

名曰五燈會元以便觀覽爰竭己資  
及慕同志選工刻梓用廣流通續如  
來慧命闡列祖圓機燈燈相傳光明  
不斷普願若僧若俗或見或聞開悟  
本心咸躋覺地出生功德謹用祝延  
聖壽保國安民次冀施財助力共獲休  
祥普報四恩用資三有劫石有盡我願  
無窮寶祐元年正月旦日沈淨明謹題

五燈會元 總目

序

王禩

卷第一

〇一

卷第二

二六

卷第三

五二

卷第四

七五

卷第五

一〇〇

卷第六

一二〇

卷第七

一四二

卷第八

一六九

卷第九

一九八

五燈會元

總目

卷第十

二二三

卷第十一

二四三

卷第十二

二六五

卷第十三

二九三

卷第十四

三三一

卷第十五

三四七

卷第十六

三七九

卷第十七

四一一

卷第十八

四三三

卷第十九

四五七

卷第二十

四九〇

跋

五三五

五燈會元

總目

五燈會元

總目

五燈會元卷第一

七佛

0001

毗婆尸佛

尸棄佛

毗舍浮佛

拘留孫佛

拘那含牟尼佛

迦葉佛

釋迦牟尼佛

西天祖師

0005

一祖摩訶迦葉尊者

二祖阿難尊者

三祖商那和修尊者

四祖優波毘多尊者

五祖提多迦尊者

六祖彌遮迦尊者

七祖婆須密尊者

八祖佛陀難提尊者

九祖伏馱密多尊者

十祖脅尊者

十一祖富那夜奢尊者

十二祖馬鳴尊者

十三祖迦毗摩羅尊者

十四祖龍樹尊者

十五祖迦那提婆尊者

十六祖羅睺羅多尊者

十七祖僧伽難提尊者

十八祖伽耶舍多尊者

十九祖鳩摩羅多尊者

二十祖闍夜多尊者

二十一祖婆修盤頭尊者

二十二祖摩拏羅尊者

二十三祖鶴勒那尊者

二十四祖師子尊者

二十五祖婆舍斯多尊者

二十六祖不如密多尊者

二十七祖般若多羅尊者

二十八祖菩提達磨東土祖師

東土祖師

0016

初祖菩提達磨大師

二祖慧可大祖禪師

三祖僧璨鑑智禪師

四祖道信大賢禪師

五祖弘忍大滿禪師

六祖慧能大鑒禪師

七佛

古佛應世，歷無窮不可以周知而悉數也。近故譚賢劫有千如來，暨于釋迦，但紀七佛。按長阿含經云：七佛精進力，放光滅暗冥，各各坐樹下，於中成正覺。又曼殊室利為七佛祖師，金華善慧大士登松山頂行道，感七佛引前，維摩接後，今之撰述，斷自七佛而下。

毗婆尸佛通去莊嚴劫第八十萬八千四百九十八萬九千九百九十九尊偈曰：身從無相中受生，猶如幻出諸形象。幻人心識本來無，罪福皆空無所住。長阿含經云：人壽八萬歲時，此佛出世，種利利，姓拘利若，父槃頭，母槃頭婆提居，般頭婆提城，坐波波羅樹下，說法三會，度人三十四萬八千神足。二一名騫茶，二名提舍侍者，無憂子方膺。

尸棄佛莊嚴劫第九十九尊偈曰：起諸善法，本是幻造，諸惡業亦是幻。身如聚沫，心如風，幻出無根，無實性。長阿含經云：人壽七萬歲時，此佛出世，種利利，姓拘利若，父明相，母光耀，居光相城，坐分陀利樹下，說法三會，度人二十五萬神足。二一名阿毗浮，二名婆娑侍者，忍行子無量。

毗舍浮佛莊嚴劫第一千尊偈曰：假借四大以為身，心本無生因境有。前境若無心亦無，罪福如幻起亦滅。長阿含經云：人壽六萬歲時，此佛出世，種利利，姓拘利若，父善燈，母稱戒，居無喻城，坐婆羅樹下，說法二會，度人一十三萬神足。二一扶遊，二鬱多摩侍者，寂滅子妙覺。

拘留孫佛現在賢劫偈曰：見身無實是佛身，了心如幻是佛幻。了得身心本性空，斯人與佛何殊別。長阿含經云：人壽四萬歲時，此佛出世，種婆羅門，姓迦葉，父禮得，母善枝，居安和城，坐尸利沙樹下，說法一會，度人四萬神足。二一薩尼，二毗樓侍者，善覺子上勝。

拘那含牟尼佛賢劫第二尊偈曰：佛不見身知是佛，若實有知別無。

佛智者能知罪性空。坦然不怖於生死。長阿含經云。人壽三萬歲時。此佛出世。種婆羅門。姓迦葉。父大德。母善勝。居清淨城。坐烏暫婆羅門樹下。說法一會。度人三萬。神足二。一舒槃那。二鬱多樓侍者。安和子導師。

迦葉佛三尊。賢劫第偈曰。一切衆生性清淨。從本無生無可滅。即此身心是幻生。幻化之中無罪福。長阿含經云。人壽二萬歲時。此佛出世。種婆羅門。姓迦葉。父梵德。母財主。居波羅奈城。坐尼拘律樹下。說法一會。度人二萬。神足二。一提舍。二婆羅婆侍者。善友子集軍。

釋迦牟尼佛四尊。賢劫第姓刹利。父淨飯。天母大。清淨妙位。登補處。生兜率天。上名曰勝善天人。亦名護明大士。度諸天衆。說補處。行於十方界中。現身說法。普曜經云。佛初生刹利王家。放大智光明。照十方世界。地涌金蓮華。自然捧雙足。東西及南北各行。

五九  
五灯一  
佛祖  
三

於七步。分手指天地。作師子吼聲。上下及四維。無能尊者。即周昭王二十四年甲寅歲四月八日也。至四十二年二月八日。年十九。欲求出家。而自念言。當復何遇。即於四門遊觀。見四等事。心有悲喜。而作思維。此老病死。終可厭離。於是夜子時。有一天人名曰淨居。於窓牖中。叉手白言。出家時。至可去矣。太子聞已。心生歡喜。即逾城而去。於檀特山中修道。始於阿藍迦藍處。三年學。不用處定。知非便捨。復至鬱頭藍弗處。三年學。非非想定。知非亦捨。又至象頭山。同諸外道。日食麻麥。經于六年。故經云。以無心意。無受行。而悉摧伏諸外道。先歷試邪法。示諸方便。發諸異見。令至菩提。故普集經云。菩薩於二月八日。明星出時。成道。號天人師。時年三十矣。即穆王三年癸未歲也。既而於鹿野苑中。為憍陳如等五人。轉四諦法輪。而證道果。說法住世四十九年。後告弟子摩訶迦葉。吾以清淨法眼。涅槃妙心。實相無

相微妙。正法將付於汝。汝當護持。并勅阿難。副貳傳化。無令斷絕。而說偈曰。法本法無法。無法法亦法。今付無法時。法法何曾法。爾時世尊說此偈已。復告迦葉。吾將金縷僧伽黎衣。傳付於汝。轉授補處。至慈氏佛出世。勿令朽壤。迦葉聞偈。頭面禮足。曰。善哉善哉。我當依勅。恭順佛故。爾時世尊至拘尸那城。告諸大衆。吾今背痛。欲入涅槃。即往熙連河側。娑羅雙樹下。右股累足。泊然冥寂。復從棺起。為母說法。特示雙足化婆者。并說無常偈。曰。諸行無常。是生滅法。生滅滅已。寂滅為樂。時諸弟子。即以香薪。競茶毗之。燼後。金棺如故。爾時大衆。即於佛前。以偈讚曰。凡俗諸猛熾。何能致火焚。請尊三昧火。闍維金色身。爾時金棺從座而舉。高七多羅樹。往返空中。化火三昧。須臾灰生。得舍利八斛。四斗。即穆王五十二年壬申歲二月十五日也。自世尊滅後。一千一十七年。教至中夏。即後漢永平十年戊辰歲也。世尊纔

六手  
五灯一  
佛祖  
四

生下。乃一手指天。一手拍地。周行七步。目顧四方。曰。天上天下。唯吾獨尊。世尊一日陞座。大衆集定。文殊白推曰。諦觀法王法。法王法如是。世尊便下座。世尊一日陞座。默然而坐。阿難白推曰。請世尊說法。世尊云。會中有二比丘。犯律行。我故不說法。阿難以他心通觀。是比丘。遂乃遣出。世尊還復默然。阿難又曰。適來為二比丘犯律。是二比丘。已遣出。世尊何不說法。世尊曰。吾誓不為二乘聲聞人說法。便下座。世尊一日陞座。大衆集定。迦葉白推曰。世尊說法。竟世尊便下座。世尊九日。在忉利天。為母說法。及辭天界而下。時四衆八部。俱往空界奉迎。有蓮花色。比丘尼作念云。我是尼身。必居大僧。後見佛。不如用神力。變作轉輪聖王。千子圍繞。最初見佛。果滿其願。世尊纔見。乃訶云。蓮花色。比丘尼。汝何得越。大僧見吾。汝雖見吾。色身。且不見吾。法身。須菩提。巖中冥坐。却見吾法身。世尊昔因文殊。至諸佛集處。



值諸佛各還本處。唯有一女人近彼佛坐。入於三昧。文殊乃白佛云。何此人得近佛坐。而我不得。佛告文殊。汝但覺此女。令從三昧起。汝自問之。文殊遠女人。三昧鳴指一下。乃托至梵天。盡其神力。而不能出世尊。曰。假使百千萬文殊。出此女人定。不得下方。經過四十二恒河沙國土。有罔明菩薩。出此女人定。須臾罔明大士。從地涌出。作禮世尊。世尊勅罔明。出罔明却至女子前。鳴指一下。女子於是從定而出。世尊因波斯匿王。問勝義諦。中有世俗諦否。若言無。智不應。二。若言有。智不應。一一之義。其義云何。佛言。大王。汝於過去龍光佛法中。曾問此義。我今無說。汝今無聽。無說無聽。是名爲一義。二義。世尊一日見文殊在門外立。乃曰。文殊。文殊何不入門來。文殊曰。我不見一法在門外。何以教我。入門。世尊一日坐次。見二人昇豬過。乃問。這箇是甚麼。曰。佛具一切智。豬子也不識。世尊曰。也須問過世尊。因有

五十一 佛祖 五

異學問諸法是常邪。世尊不對。又問諸法。是無常邪。亦不對。異學曰。世尊。具一切智。何不對我。世尊曰。汝之所問。皆爲戲論。世尊一日示隨色摩尼珠。問五方天王。此珠而作何色。時五方天王互說異色。世尊復藏珠入袖。却擡手曰。此珠作何色。天王曰。佛手中無珠。何處有色。世尊嘆曰。汝何迷倒之甚。吾將世珠示之。便各彊說。有青黃赤白色。吾將真珠示之。便總不知。時五方天王悉皆悟通。世尊因乾闥婆王。獻樂。其時山河大地。盡作琴聲。迦葉起作舞。王問迦葉。豈不是阿羅漢。諸漏已盡。何更有餘習。佛曰。實無餘習。莫謗法也。王又撫琴三遍。迦葉亦三度作舞。王曰。迦葉作舞。豈不是佛。曰。實不曾作舞。王曰。世尊。何得妄語。佛曰。不妄語。汝撫琴。山河大地。木石盡作琴聲。豈不是。王曰。是佛。曰。迦葉亦復如是。所以實不曾作舞。王乃信受。世尊因外道問。昨日說何法。曰。說定法。外道曰。今日說何法。曰。不定法。外道

曰。昨日說定法。今日何說不定法。世尊曰。昨日定。今日不定。世尊因五通仙人。問世尊。有六通。我有五通。如何是那。一通佛召見普賢。不可得見。乃至三度入定。徧觀三千大千世界。覓普賢。不可得見。而來白佛。佛曰。汝但於靜三昧中起一念。便見普賢。普賢於是纔起一念。便見普賢。向空中乘六牙白象。世尊因自恣日文殊。三處過夏。迦葉欲白。推擯出。纔拈椎。乃見百千萬億文殊。迦葉盡其神力。推不能舉。世尊遂問迦葉。汝擬擯那箇文殊。迦葉無對。世尊因長爪梵志。索論義。預約曰。我義若墮。我自斬首。世尊曰。汝義已何爲。宗志曰。我一切不受。爲宗。世尊曰。是見受否。志拂袖而去。行至中路。乃省謂弟子曰。我當回去。斬首以謝世尊。弟子曰。人天衆前。幸當得勝。何以斬首。志曰。我寧於有智人前。斬首。不於無智人前。得勝。乃歎曰。我義兩處負墮。

五十二 佛祖 六

是見若受。負門處。愈是見不受。負門處。細一切人。天二乘。皆不知我義。墮處。唯有世尊。諸大菩薩。知我義。墮回。至世尊前。曰。我義兩處負墮。故當斬首。以謝世尊。曰。我法中。無如是事。汝當回心。向道。於是同五百徒衆。一時投佛出家。證阿羅漢。世尊昔欲將諸聖衆。往第六天。說大集經。勅他方此土人間。天上一切。獨惡鬼神。悉皆輯會。受佛付囑。擁護正法。設有不赴者。四天門王。飛熱鐵輪。追之。令集。既集。會已。無有不順佛勅者。各發弘誓。擁護正法。唯一魔王。謂世尊曰。瞿曇。我待一切衆生。成佛盡衆生界空。無有衆生名字。我乃發菩提心。世尊嘗與阿難行。次見一古佛塔。世尊便作禮。阿難曰。此是甚麼人塔。世尊曰。此是過去諸佛塔。阿難曰。過去諸佛。是甚麼人弟子。世尊曰。是吾弟子。阿難曰。應當如是。世尊因有外道問。不問有言。不問無言。世尊良久。外道讚歎曰。世尊大慈大悲。開我迷雲。令我得入。乃作禮。

而去阿難白佛外道得何道理稱讚而去世尊曰如世良馬見鞭影而行世尊一日勅阿難食時將至汝當入城持鉢阿難應諾世尊曰汝既持鉢須依過去七佛儀式阿難便問如何是過去七佛儀式世尊召阿難阿難應諾世尊曰持鉢去世尊因有比丘問我於世尊法中見處即有證處未是世尊當何所示世尊曰比丘某甲當何所示是汝此問世尊成道後在逝多林中一樹下踟躕而坐有二商人以五百乘車經過林畔有二車牛不肯前進商人乃訝見之山神報言林中有聖人成道經逾四十九日未食汝當供養商人入林果見一人端然不動乃問曰為是梵王邪帝釋邪山神邪河神邪世尊微笑舉袂裝角示之商人頂禮遂陳供養世尊因耆婆善別音響至一塚間見五髑髏乃敲一髑髏問耆婆此生何處曰此生人道世尊又敲一曰此生何處曰此生天道世尊又別敲一問此生何處耆婆罔知

六手

五灯一

佛祖

七

生處世尊因黑氏梵志運神力以左右手擊合歡梧桐花兩株來供養佛佛召仙人梵志應諾佛曰放下著梵志遂放下左手一株花佛又召仙人放下著梵志又放下右手一株花佛又召仙人放下著梵志曰世尊我今兩手皆空更教放下箇甚麼佛曰吾非教汝捨其花汝當捨捨外六塵內六根中六識一時捨却無可捨處是汝免生死處梵志於言下悟無生忍世尊因靈山會上五百比丘得四禪定具五神通未得法忍以宿命智通各各自見過去殺父害母及諸重罪於自心內各各懷疑於甚深法不能證入於是文殊承佛神力遂手握利劍持逼如來世尊乃謂文殊曰住住不應作逆勿得害吾吾必被害為善被害文殊師利爾從本已來無有我人但以內心見有我人內心起時我必被害即名為害於是五百比丘自悟本心如夢如幻於夢幻中無有我人乃至能生所生父母於是五百比丘同讚

嘆曰文殊大智士深達法源底自手握利劍持逼如來身如劍佛亦爾一相無有二無相無所生是中云何殺世尊因地布髮掩泥獻花於然燈然燈見布髮處遂約退乘乃指地曰此一方地宜建一梵刹時衆中有一賢于長者持標於指處插曰建梵刹竟時諸天散花讚曰庶子有大智矣世尊因七賢女遊屍陀林一女指屍曰屍在這裏人向甚處去一女曰作麼作麼諸師諦觀各各契悟感帝釋散花曰惟願聖姊有何所須我當終身供給女曰我家四事七珍悉皆具足唯要三般物一要無根樹子一株二要無陰陽地一片三要叫不響山谷一所帝釋曰一切所須我悉有之若三般物我實無得女曰汝若無此爭解濟人帝釋罔措遂同往白佛佛言憍尸迦我諸弟子大阿羅漢不解此義唯有諸大菩薩乃解此義世尊因調達謗佛生身入地獄遂令阿難問你在地獄中安否曰我雖在地獄如三禪天樂

六手

五灯一

佛祖

八

佛又令問你還求出否曰我待世尊來便出阿難曰佛是三界大師豈有入地獄分曰佛既無入地獄分我豈有出地獄分世尊因文殊忽起佛見法見被世尊威神攝向二鐵圍山城東有一老母與佛同生而不欲見佛每見佛來即便回避雖然如此回顧東西總皆是佛遂以手掩面於十指掌中亦總是佛殃娼摩羅因持鉢至一長者門其家婦人正值產難子母未分長者曰瞿曇弟子汝為至聖當有何法能免產難殃娼語長者曰我乍入道未知此法待我回問世尊却來相報及返具事白佛佛告殃娼汝速去報言我自從賢聖法來未曾殺生殃娼奉佛語疾往告之其婦得聞當時分免世尊嘗在尼俱律樹下坐次因二商人問世尊還見車過否曰不見商人曰還聞否曰不聞商人曰莫禪定否曰不禪定曰莫睡眠否曰不睡眠商人乃嘆曰善哉善哉世尊覺而不見遂獻白麁兩段世尊在靈山會上拈

花示衆是時衆皆默然唯迦葉尊者破顏微笑世尊曰吾有正法眼藏涅槃妙心實相無相微妙法門不立文字教外別傳付囑摩訶迦葉世尊至多子塔前命摩訶迦葉分座令坐以僧伽梨圍之遂告曰吾以正法眼藏密付於汝汝當護持傳付將來世尊臨入涅槃文殊大士請佛再轉法輪世尊咄曰文殊吾四十九年住世未曾說一字汝請吾再轉法輪是吾曾轉法輪邪世尊於涅槃會上以手摩曾告衆曰汝等善觀吾紫磨金色之身瞻仰取足勿令後悔若謂吾滅度非吾弟子若謂吾不滅度亦非吾弟子時百萬億衆悉皆契悟

西天祖師

一祖摩訶迦葉尊者摩竭陀國人也姓婆羅門父飲澤母香志昔爲鍛金師善明金性使其柔伏付法傳云嘗於久遠劫中毗婆尸佛入涅槃後四衆起塔塔中像面金色有缺壞時有貧女

五灯一

佛祖

九

將金珠往金師所請飾佛面既而因共發願願我二人爲無姻夫妻由是因緣九十一劫身皆金色後生梵天天壽盡生中天摩竭陀國婆羅門家名曰迦葉波此云飲光勝尊蓋以金色爲號也繇是志求出家冀度諸有佛言善來比丘鬚髮自除袈裟著體常於衆中稱歎第一復言吾以清淨法眼將付於汝汝可流布無令斷絕涅槃經云爾時世尊欲涅槃時迦葉不在衆會佛告諸大弟子迦葉來時可令宣揚正法眼藏爾時迦葉在耆闍崛山畢鉢羅窟親勝光明即入三昧以淨天眼觀見世尊於熙連河側入般涅槃乃告其徒曰如來涅槃也何其駛哉即至雙樹間悲戀號泣佛於金棺出示雙足爾時迦葉告諸比丘佛已茶毗金剛舍利非我等事我等宜當結集法眼無令斷絕乃說偈曰如來弟子且莫涅槃得神通者當赴結集於是得神通者悉集王舍耆闍崛山畢鉢羅窟時阿難爲漏未盡不得入會

六十五

五灯一

佛祖

十

後證阿羅漢果由是得入迦葉乃白衆言此阿難比丘多聞總持有大智慧常隨如來梵行清淨所聞佛法如水傳器無有遺餘佛所讚歎聰敏第一宜可請彼集修多羅藏大衆默然迦葉告阿難曰汝今宜宣法眼阿難聞語信受觀察衆心而宣偈言比丘諸眷屬離佛不莊嚴猶如虛空中衆星之無月說是偈已禮衆僧足升法座而宣是言如是我聞一時佛住某處說某經教乃至人天等作禮奉行時迦葉問諸比丘阿難所言不錯謬乎皆曰不異世尊所說迦葉乃告阿難言我今年不久留今將正法付囑於汝汝善守護聽吾偈言法法本來法無法無法何於一法中有法有不法說偈已乃持僧伽黎衣入雞足山俟慈氏下生即周孝王五年丙辰歲也尊者因外道問如何是我者曰覓我者是汝我外道曰這箇是我我師我何在者曰汝問我覓尊者一日踏泥次有一沙彌見乃問尊者何得自爲者曰我若不爲誰爲我爲

二祖阿難尊者王舍城人也姓刹利帝父斛飯王實佛之從弟也梵語阿難陀此云慶喜亦云歡喜如來成道夜生因爲之名多聞博達智慧無礙世尊以爲總持第一嘗所讚歎加以宿世有大功德受持法藏如水傳器佛乃命爲侍者尊者一日白佛言今日入城見一奇特事佛曰見何奇特事者曰入城時見一攢樂人作舞出城總見無常佛曰我昨日入城亦見一奇特事者曰未審見何奇特事佛曰我入城時見一攢樂人作舞出城時亦見樂人作舞一日問迦葉曰師兄世尊傳金襴袈裟外別傳箇甚麼迦葉召阿難阿難應諾迦葉曰倒却門前刹竿著後阿闍世王白言仁者如來迦葉尊勝二師皆已涅槃而我多故悉不能覩尊者般涅槃時願垂告別尊者許之後自念言我身危脆猶如聚沫况復衰老豈堪久長阿闍世王與吾有約乃詣

王宮告之曰吾欲入涅槃來辭耳門者曰王寢不可以聞者曰  
俟王覺時當為我說時阿闍世王夢中見一寶蓋七寶嚴飾千  
萬億眾圍繞瞻仰俄而風雨暴至吹折其柄珍寶瓔珞悉墜於  
地心甚驚異既寤門者具白上事王聞失聲號慟哀感天地即  
至毗舍離城見尊者在恒河中流踟躕而坐王乃作禮而說偈  
曰稽首三界尊棄我而至此暫憑悲願力且莫般涅槃時毗舍  
離王亦在河側說偈言尊者一何速而歸寂滅場願住須臾間  
而受於供養尊者見二國王咸來勸請乃說偈言二王善嚴住  
勿為苦悲戀涅槃當我靜而無諸有故尊者復念我若偏向一  
國諸國爭競無有是處應以平等度諸有情遂於恒河中流將  
入寂滅是時山河大地六種震動雪山有五百仙人觀茲瑞應  
飛空而至禮尊者足胡跪白言我於長老當證佛法願垂大慈  
度脫我等尊者默然受請即變現伽河悉為金地為其仙眾說

六十一

五十一

佛祖

十一

諸大法尊者復念先所度脫弟子應當來集須臾五百羅漢從  
空而下為諸仙人出家授具其仙眾中有二羅漢一名商那和  
修二名末田底迦尊者知是法器乃告之曰昔如來以大法眼  
付大迦葉迦葉入定而付於我我今將滅用傳於汝汝受吾教  
當聽偈言本來付有法付了言無法各各項自悟悟了無無法  
尊者付法眼藏竟躡身虛空現十八變入風奮迅三昧分身四  
分一分奉切利天一分奉娑竭羅龍宮一分奉毗舍離王一分  
奉阿闍世王各造寶塔而供養之乃厲王十二年癸巳歲也  
三祖商那和修尊者摩突羅國人也亦名舍那婆斯姓毗舍多  
父林勝母憍奢耶在胎六年而生梵語商諾迦此云自然服即  
西域九枝秀草名也若聖人降生則此草生於淨潔之地和修  
生時瑞草斯應昔如來行化至摩突羅國見一青林枝葉茂盛  
語阿難曰此林地名優留茶吾滅度後一百年有比丘商那和

修於此轉妙法輪後百歲果誕和修出家證道受慶喜尊者法  
眼化導有情及止此林降二火龍歸順佛教龍因施其地以建  
梵宮尊者化緣既久思付正法尋於毗利國得優波耆多以為  
給侍因問耆多曰汝年幾邪耆多曰我年十七者曰汝身十七性  
十七邪耆多曰師髮已白為髮白邪心白邪者曰我但髮白非心  
白耳耆多曰我身十七非性十七也尊者知是法器後三載遂  
為落髮授具乃告曰昔如來以無上法眼付囑迦葉展轉相授  
而至於我我今付汝勿令斷絕汝受吾教聽吾偈言非法亦非  
心無心亦無法說是心法時是法非心法說偈已即隱於罽賓  
國南象白山中後於三昧中見弟子耆多有五百徒眾常多懈  
慢尊者乃往彼現龍奮迅三昧以調伏之而說偈曰通達非彼  
此至聖無長短汝除輕慢意疾得阿羅漢五百比丘聞偈已依  
教奉行皆獲無漏尊者乃現十八變火光三昧用焚其身耆多

六十一

五十一

佛祖

十一

收舍利葬於梵迦羅山五百比丘各持一幡迎導至彼建塔供  
養乃宣王二十三年乙未歲也  
四祖優波耆多尊者毗利國人也亦名優波耆多又名鄒波耆  
多姓首陀父善意十七出家二十證果隨方行化至摩突羅國  
得度者甚眾由是魔宮震動波旬愁怖遂竭其魔力以害正法  
尊者即入三昧觀其所由波旬復伺便密持瓔珞繫之于頸及  
尊者出定乃取人狗蛇三屍化為華鬘更言慰諭波旬曰汝與  
我瓔珞甚是珍妙吾有華鬘以相酬奉波旬大喜引頸受之即  
變為三種臭屍蟲蛆壞爛波旬厭惡大生憂惱盡已神力不能  
移動乃升六欲天告諸天主又詣梵王求其解免彼各告言十  
力弟子所作神變我輩凡陋何能去之波旬曰然則奈何梵王  
曰汝可歸心尊者即能除斷乃為說偈令其回向曰若因地倒  
還因地起離地求起終無其理波旬受教已即下天宮禮尊者

足哀露懺悔尊者告曰汝自今去於如來正法更不作燒害否波旬曰我誓回向佛道永斷不善尊者曰若然者汝可口自唱言皈依三寶魔王合掌三唱華鬘悉除乃歡喜踊躍作禮尊者而說偈曰稽首三昧尊十力聖弟子我今願回向勿令有劣弱尊者在世化導證果最多每度一人以一籌置於石室其室縱十八肘廣十二肘充滿其間最後有一長者子名曰香衆來禮尊者志求出家尊者問曰汝身出家心出家答曰我來出家非為身心尊者曰不為身心復誰出家答曰夫出家者無我我故無我我故即心不生滅心不生滅即是常道諸佛亦常心無形相其體亦然尊者曰汝當大悟心自通達宜依佛法僧紹隆聖種即為剃度授具足戒仍告之曰汝父嘗夢金日而生汝可名提多迦復謂曰如來以大法眼藏次第傳授以至於我今復付汝聽吾偈言心自本來心本心非有法有法有本心非心非本

六元

五灯一

佛祖

十三

法付法已乃躡身虛空呈十八變却復本座踟躕而逝提多迦以室內籌用焚師軀收舍利建塔供養即平王三十一年庚子歲也

五祖提多迦尊者摩伽陀國人也梵語提多迦此云通真量初生之時父夢金日自屋而出照耀天地前有大山諸寶嚴飾山頂泉涌滂沱四流後遇魏多尊者為解之曰寶山者吾身也泉涌者法無盡也日從屋出者汝今入道之相也照耀天地者汝智慧超越也尊者聞師說已歡喜踊躍而唱偈言巍巍七寶山常出智慧泉回為真法味能變諸有緣魏多尊者亦說偈曰我法傳於汝當現大智慧金日從屋出照耀於天地提多迦聞師妙偈設禮奉持後至中印度彼國有八千大仙彌遮迦為首聞尊者至率衆瞻禮謂尊者曰昔與師同生梵天我遇阿私陀仙授我仙法師逢十力弟子修習禪那自此報分殊塗已經六劫

者曰支離累劫誠哉不虛今可捨邪歸正以入佛乘彌遮迦曰昔阿私陀仙人授我記云汝却後六劫當遇同學獲無漏果今也相遇非宿緣邪願師慈悲令我解脫者即度出家命諸聖授戒其餘仙衆始生我慢尊者示大神通於是俱發菩提心一時出家者乃告彌遮迦曰昔如來以大法眼藏密付迦葉展轉相授而至於我我今付汝當護念之乃說偈曰通達本法心無法無非法悟了同未悟無心亦無法說偈已躡身虛空作十八變火光三昧自焚其軀彌遮迦與八千比丘同收舍利於班茶山中起塔供養即莊王七年己丑歲也

五灯一

佛祖

十四

而負淨者曰師識我否祖曰我即不識識即非我復謂之曰汝試自稱名氏吾當後示本因彼說偈答曰我從無量劫至于生此國本姓頗羅墮名字婆須蜜祖曰我師提多迦說世尊昔遊北印度語阿難言此國中吾滅後三百年有一聖人姓頗羅墮名婆須蜜而於禪祖當獲第七世尊記汝應出家彼乃置器禮師側立而言曰我思往劫嘗作檀那獻一如來寶座彼佛記我曰汝於賢劫釋迦法中宣傳至教今符師說願加度脫祖即與披剃復圓戒相乃告之曰正法眼藏今付於汝勿令斷絕乃說偈曰無心無可得說得不名法若了心非心始解心心法祖說偈已入師子奮迅三昧躡身虛空高七多羅樹却復本座化火自焚婆須蜜收靈骨貯七寶函建浮圖寘于上級即襄王十七年甲申歲也

七祖婆須蜜尊者北天竺國人也姓頗羅墮常服淨衣執酒器



遊行里閉或吟或嘯人謂之狂及遇彌遮迦尊者宜如來往誌  
自省前緣投器出家受法行化至迦摩羅國廣興佛事於法座  
前忽有智者自稱我名佛陀難提今與師論義祖曰仁者論即  
不義義即不論若擬論義終非義論難提知師義勝心即欽服  
曰我願求道露甘露味祖遂與剃度而授具戒復告之曰如來  
正法眼藏我今付汝汝當護持乃說偈曰心同虛空界示等虛  
空法證得虛空時無是非法即入慈心三昧時梵王帝釋及  
諸天衆俱來作禮而說偈言賢劫衆聖祖而當第七位尊者哀  
念我請爲宣佛地尊者從三昧起示衆曰我所得法而非有故  
若識佛地離有無故語已還入三昧示涅槃相難提即於本座  
起七寶塔以葬全身即定王十九年辛未歲也

六十五

五十一

佛祖

十五

家見舍上有白光上騰謂其徒曰此家有聖人口無言說真大  
乘器不行四衢知觸穢耳言訖長者出致禮問何所須祖曰我  
求侍者長者曰我有一子名伏馱蜜多年已五十口未曾言足  
未曾履祖曰如汝所說真吾弟子伏馱聞之遽起禮拜而說偈  
曰父母非我親誰是最親者諸佛非我道誰為最道者祖以偈  
答曰汝言與心親父母非可比汝行與道合諸佛心即是外求  
有相佛與汝不相似欲識汝本心非合亦非離伏馱聞偈已便  
行七步祖曰此子昔曾值佛悲願廣大慮父母愛情難捨故不  
言不履耳長者遂捨令出家祖尋授具戒復告之曰我今以如  
來正法眼藏付囑於汝勿令斷絕乃說偈曰虛空無內外心法  
亦如此若了虛空故是達真如理伏馱承師付囑以偈讚曰我  
師禪祖中當得爲第八法化衆無量悉獲阿羅漢爾時佛陀難  
提即現神變却復本座儼然寂滅衆興寶塔葬其全身即景王

十二年丙寅歲也

九祖伏馱蜜多尊者提伽國人也姓毗舍羅既受八祖付囑後  
至中印度行化時有長者香蓋攜一子而來瞻禮祖曰此子處  
胎六十歲因號難生嘗會一仙者謂此兒非凡當爲法器今遇  
尊者可令出家祖即與落髮授戒羯磨之際祥光燭座仍感舍  
利三七粒現前自此精進忘疲既而祖告之曰如來大法眼藏  
今付於汝汝護念之乃說偈曰真理本無名因名顯真理受得  
真實法非真亦非偽祖付法已即入滅盡三昧而般涅槃衆以  
香油旃檀闍維收舍利建塔于那爛陀寺即敬王三十五年甲  
寅歲也

五十二

五十一

佛祖

十六

氏國憇一樹下右手拈地而告衆曰此地變金色當有聖人入  
會言訖即變金色時有長者子富那夜奢合掌前立祖問曰汝  
從何來答曰我心非往祖曰汝何處住答曰我心非止祖曰汝  
不定邪曰諸佛亦然祖曰汝非諸佛曰諸佛亦非祖因說偈曰  
此地變金色預知有聖至當坐菩提樹覺華而成已夜奢復說  
偈曰師坐金色地常說真實義回光而照我今入三摩諦祖知  
其意即度出家復具戒品乃告之曰如來大法藏今付於汝汝  
護念之乃說偈曰真體自然真因真說有理領得真法無行  
亦無止祖付法已即現神變而入涅槃化火自焚四衆各以衣  
被盛舍利隨處興塔而供養之即貞王二十二年己亥歲也  
十一祖富那夜奢尊者華氏國人也姓瞿曇氏父寶身既得法  
於脇尊者尋詣波羅奈國有馬鳴大士迎而作禮問曰我欲識  
佛何者即是祖曰汝欲識佛不識者是曰佛既不識焉知是乎

祖曰既不識佛焉知不是曰此是鋸義祖曰彼是木義祖問鋸義者何曰與師平出馬鳴却問木義者何祖曰汝被我解馬鳴豁然省悟稽首皈依遂求剃度祖謂衆曰此大士者昔為毗舍利國王其國有一類人如馬裸露王運神力分身為蠶彼乃得衣王後復生中印度馬人感戀悲鳴因號馬鳴焉如來記云吾滅度後六百年當有賢者馬鳴於波羅奈國權伏異道度人無量繼吾傳化今正是時即告之曰如來大法眼藏今付於汝即說偈曰迷悟如隱顯明暗不相離今付隱顯法非一亦非二尊者付法已即現神變湛然圓寂衆興寶塔以闕全身即安王十四年戊戌歲也

十二祖馬鳴大士者波羅奈國人也亦名功勝以有作無作諸功德最為殊勝故名焉既受法於夜奢尊者後於華氏國轉妙法輪忽有老人座前仆地祖謂衆曰此非庸流當有異相言訖

六九

五灯一

佛祖

七

不見俄從地涌出一金色人復化為女子右手指祖而說偈曰稽首長老尊當受如來記今於此地上宣通第一義說偈已瞥然不見祖曰將有魔來與吾較辯力有頃風雨暴至天地晦冥祖曰魔之來信矣吾當除之即指空中現一大金龍奮發威神震動山岳祖儼然於座魔事隨滅經七日有一小蟲大若蟻蟻潛形座下祖以手取之示衆曰斯乃魔之所變盜聽吾法耳乃放之令去魔不能動祖告之曰汝但歸依三寶即得神通遂復本形作禮懺悔祖問曰汝名誰邪眷屬多少曰我名迦毗摩羅有三千眷屬祖曰盡汝神力變化若何曰我化巨海極為小事祖曰汝化性海得否曰何謂性海我未嘗知祖即為說性海曰山河大地皆依建立三昧六通由茲發現迦毗摩羅聞言遂發信心與徒衆三千俱求剃度祖乃召五百羅漢與授具戒復告之曰如來大法眼藏今當付汝汝聽偈言隱顯即本法明暗元

不二今付悟了法非取亦非離付囑已即入龍奮迅三昧挺身空中如日輪相然後示滅四衆以真體藏之龍龕即顯王三十七年甲午歲也

十三祖迦毗摩羅尊者華氏國人也初為外道有徒三千通諸異論後於馬鳴尊者得法領徒至西印度彼有太子名雲自在仰尊者名請於宮中供養祖曰如來有教沙門不得親近國王大臣權勢之家太子曰今我國城之北有大山焉山有一石窟可禪寂于此否祖曰諾即入彼山行數里逢一大蟒祖直前不顧盤繞祖身祖因與授三皈依蟒聽訖而去祖將至石窟復有一老人素服而出合掌問訊祖曰汝何所止答曰我昔嘗為比丘多樂寂靜有初學比丘數來請益而我煩於應答起嗔恨想命終墮為蟒身住是窟中今已千載適遇尊者獲聞戒法故來謝爾祖問曰此山更有何人居止曰北去十里有大樹蔭覆五百大龍其樹王名龍樹常為龍衆說法我亦聽受耳祖遂與徒衆詣彼龍樹出迎曰深山孤寂龍蟒所居大德至尊何枉神足祖曰吾非至尊來訪賢者龍樹默念曰此師得決定性明道眼否是大聖繼真乘否祖曰汝雖心語我已意知但辦出家何慮吾之不聖龍樹聞已悔謝祖即與度脫及五百龍衆俱授具戒復告之曰今以如來大法眼藏付囑於汝諦聽偈言非隱非顯法說是真實際悟此隱顯法非愚亦非智付法已即現神變化火焚身龍樹收五色舍利建塔焉即報王四十一年壬辰歲也十四祖龍樹尊者西天竺國人也亦名龍勝始於摩羅尊者得法後至南印度彼國之人多信福業祖為說法遞相謂曰人有福業世間第一徒言佛性誰能觀之祖曰汝欲見佛性先須除我慢彼人曰佛性大小祖曰非大非小非廣非狹無福無報不死不生彼聞理勝悉回初心祖復於座上現自在身如滿月輪

六九

五灯一

佛祖

十八

一切衆唯聞法音不覩祖相彼衆中有長者子名迦那提婆謂衆曰識此相否衆曰目所未覩安能辨識提婆曰此是尊者現佛性體相以示我等何以知之蓋以無相三昧形如滿月佛性之義廓然虛明言訖輪相即隱復居本座而說偈言身現圓月相以表諸佛體說法無其形用辨非聲色彼衆聞偈頓悟無生感願出家以求解脫祖即為剃髮命諸聖授具其國先有外道五千餘衆作大幻術衆皆宗仰祖悉為化之令歸三寶復造大智度論中論十二門論垂之於世後告上首弟子迦那提婆曰如來大法眼藏今當付汝聽吾偈言為明隱顯法方說解脫理於法心不證無瞋亦無喜付法訖入月輪三昧廣現神變復就本座凝然禪寂迦那提婆與諸四衆共建寶塔以葬焉即秦始皇三十五年己丑歲也

十五祖迦那提婆尊者南天竺國人也姓毗舍羅初求福業兼

五灯一

佛祖

九

樂辯論後謁龍樹大士將及門龍樹知是智人先遣侍者以滿鉢水置於座前尊者觀之即以針投之而進欣然契會龍樹即為說法不起於座現月輪相唯聞其聲不見其形祖語衆曰今此瑞者師現佛性表說法非聲色也祖既得法後至迦毗羅國彼有長者曰梵摩淨德一日園樹生耳如菌味甚美唯長者與第二子羅睺羅多取而食之取已隨長盡而復生自餘親屬皆不能見祖知其宿因遂至其家長者迺問其故祖曰汝家昔曾供養一比丘然此比丘道眼未明以虛信施故報為木菌唯汝與子精誠供養得以享之餘即否矣又問長者年多少荅曰七十有九祖乃說偈曰入道不通理復身還信施汝年八十一此樹不生耳長者聞偈已彌加歎伏且曰弟子衰老不能事師願捨次子隨師出家祖曰昔如來記此子當第二五百年為大教主今之相遇蓋符宿因即與剃髮執侍至巴連弗城聞諸

外道欲障佛法計之既父祖乃執長楯入彼衆中彼問祖曰汝何不前祖曰汝何不後彼曰汝似賤人祖曰汝似良人彼曰汝解何法祖曰汝百不解彼曰我欲得佛祖曰我酌然得佛彼曰汝不合得祖曰元道我得汝實不得彼曰汝既不得云何言得祖曰汝有我故所以不得我無我我故自當得彼辭既屈乃問謝時衆中猶互興問難祖折以無礙之辯由是歸伏乃告上足羅睺羅多而付法眼偈曰本對傳法人為說解脫理於法實無證無終亦無始祖說偈已入奮迅定身放八光而歸寂滅學衆興塔而供養之即前漢文帝十九年庚辰歲也

十六祖羅睺羅多尊者迦毗羅國人也行化至室羅筏城有河名曰金水其味殊美中流復現五佛影祖告衆曰此河之源凡五百里有聖者僧伽難提居於彼處佛誌一千年後當紹聖位

五灯一

佛祖

二

語已領諸學衆汨流而上至彼見僧伽難提安坐入定祖與衆伺之經三七日方從定起祖問曰汝身定邪心定邪祖曰身心俱定祖曰身心俱定何有出入祖曰雖有出入不失定相如金在井金體常寂祖曰若金在井若金出井金無動靜何物出入祖曰言金動靜何物出入言金出入金非動靜祖曰若金在井出者何金若金出井在者何物祖曰金若出井在者非金金若在井出者非物祖曰此義不然祖曰彼義非著祖曰此義當墮祖曰彼義不成祖曰彼義不成我義成矣祖曰我義雖成法非我故祖曰我義已成我無我故祖曰我無我故復成何義祖曰我無我故成汝義祖曰仁者師誰得是無我祖曰我師迦那提婆證是無我難提以偈贊曰稽首提婆師而出於仁者仁者無我故我欲師仁者祖以偈荅曰我已無我故汝須見我我汝若師我故知我非我我難提心意豁然即求度脫祖曰汝心自



在非我所繫語已即以右手擊金鉢舉至梵宮取彼香飯將齋大衆而大衆忽生厭惡之心祖曰非我之咎汝等自業即命難提分座同食衆復訝之祖曰汝不得食皆由此故當知與吾分座者即過去娑羅樹王如來也愍物降跡汝輩亦莊嚴劫中已至三果而未證無漏者也衆曰我師神力斯可信矣彼云過去佛者即竊疑焉難提知衆生慢乃曰世尊在日世界平正無有止陵江河溝洫水悉甘美草木滋茂國土豐盈無八苦行十善自雙樹示滅八百餘年世界止墟樹木枯悴人無至信正念輕微不信真如唯愛神力言訖以右手漸展入地至金剛輪際取甘露水以琉璃器持至會所大衆見之即時欽慕悔過作禮於是祖命僧伽難提而付法眼偈曰於法實無證不取亦不離法非有無相內外云何起祖付法已安坐歸寂四衆建塔當前漢武帝二十八年戊辰歲也

五灯一

佛祖

二五

十七祖僧伽難提者室羅筏城寶莊嚴王之子也生而能言常讚佛事七歲即厭世樂以偈告其父母曰稽首大慈父和南骨血母我今欲出家幸願哀愍故父母固止之遂終日不食乃許其在家出家號僧伽難提復命沙門禪利多為之師積十九載未嘗退倦每自念言身居王官胡為出家一夕天光下屬見一路坦平不覺徐行約十里許至大巖前有石窟焉乃燕寂于中父既失子即擯禪利多出國訪尋其子不知所在經十年祖得法受記已行化至摩提國忽有涼風襲衆身心悅適非常而不知其然祖曰此道德之風也當有聖者出世嗣續祖燈乎言訖以神力攝諸大衆遊歷山谷食頃至一峯下謂衆曰此峯頂有紫雲如蓋聖人居此矣即與大衆徘徊久之見山舍一童子持圓鏡直造祖前祖問汝幾歲邪曰百歲祖曰汝年尚幼何言百歲童曰我不會理正百歲耳祖曰汝善機邪童曰佛言若人生

百歲不會諸佛機未若生一日而得決了之祖曰汝手中者當何所表童曰諸佛大圓鏡內外無瑕翳兩人同得見心眼皆相似彼父母聞子語即捨令出家祖携至本處授具戒訖名伽耶舍多他時聞風吹殿鈴聲祖問曰鈴鳴邪風鳴邪舍多曰非風鈴鳴我心鳴耳祖曰心復誰乎舍多曰俱寂靜故祖曰善哉善哉繼吾道者非子而誰即付法眼偈曰心地本無生因地從緣起緣種不相妨華果亦復爾祖付法已右手攀樹而化大衆議曰尊者樹下歸寂其垂蔭後裔乎將奉全身於高原建塔衆力不能舉即就樹下起塔當前漢昭帝十三年丁未歲也

五灯一

佛祖

二五

鳩摩羅多問曰是何徒衆祖曰是佛弟子彼聞佛號心神竦然即時閉戶祖良久扣其門羅多曰此舍無人祖曰若無者誰羅多聞語知是異人遽開關延接祖曰昔世尊記曰吾滅後一千年有大士出現於月氏國紹隆玄化今汝值吾應斯嘉運於是鳩摩羅多發宿命智投誠出家授具訖付法偈曰有種有心地因緣能發萌於緣不相礙當生生不生祖付法已躡身虛空現十八種神變化火光三昧自焚其身衆以舍利起塔當前漢成帝二十年戊申歲也